

UGOVOR O NABAVCI PUTNIČKIH VOZILA

Zaključen između Ugovornih strana:

1. UNIVERZITET U SARAJEVU, Obala Kulina bana br. 7/II, Sarajevo, koga zastupa rektor prof. dr. Rifat Škrijelj (u daljem tekstu: Kupac)

ID: 4200494560007

i

2. PORSCHE BH d. o. o. Sarajevo, Bulevar Meše Selimovića 16, 71000 Sarajevo, koga zastupa direktor Alex Andor Vaszi (u daljem tekstu: Prodavac)

ID broj: 4201887660000

Broj transakcijskog računa: 1610000110600090 otvoren kod Raiffeisen Bank d.d. BiH

Ovaj Ugovor se zaključuje na osnovu Odluke broj: 0101-2475-7/17 od 31. 05. 2017. godine o izboru najpovoljnijeg ponuđača i dodjeli ugovora, koja je donesena nakon provedenog OTVORENOG POSTUPKA, za koji je dana 05. 05. 2017. godine na Portalu javnih nabavki BiH, objavljeno Obavještenje o nabavci broj: 999-1-1-111-3-15/17.

I. PREDMET UGOVORA

Član 1.

(Predmet ugovora)

Predmet ovog Ugovora je nabavka robe: **2 (DVA) PUTNIČKA VOZILA** (u daljem tekstu: vozila) za potrebe i po zahtjevu Kupca, u svemu prema Tenderskoj dokumentaciji broj: 0101-2475-4/17 od 04. 05. 2017. godine (u daljem tekstu: Tenderska dokumentacija Kupca) i prihvaćenoj ponudi Prodavca broj: 44731_026839, 44731_026814 od 18. 05. 2017. godine (u daljnjem tekstu: Ponuda Prodavca), koje čine sastavni dio ovog Ugovora.

II. CIJENA

Član 2.

(Ukupna cijena)

(1) Ukupna cijena vozila iznosi:

80.330,24 KM bez PDV-a

(slovima: osamdesethiljadatristotinetrideset KM i 24/100),

93.986,38 KM sa PDV-om

(slovima: devedesettrihiljedevetstinaosamdesetšest KM i 38/100).

(2) Ukupna cijena vozila sadrži sve naknade koje Kupac treba platiti Prodavcu-po paritetu DDP krajnji korisnik, sa isporukom FCO Kupac, ocarinjeno i oporezovano (PDV 17%).

(3) Kupac ne smije imati nikakve dodatne troškove.

(4) Ugovorena cijena iz stava 1. ovog člana je fiksna i neće se mijenjati tokom perioda realizacije ovog Ugovora.

III. MJESTO ISPORUKE

Član 3.

(Mjesto isporuke)

Obaveza Prodavca je da vozila iz člana 1. ovog Ugovora isporuči Kupcu u sjedištu Kupca, Obala Kulina bana br. 7, 71000 Sarajevo.

B

IV. ROK I NAČIN ISPORUKE

Član 4. (Rok isporuke)

- (1) Prodavac se obavezuje da će isporuku vozila sa specificiranim količinama opreme iz člana 1. ovog Ugovora izvršiti u roku od 60-90 dana od dana potpisivanja ovog Ugovora.
- (2) Pod isporukom se podrazumijevaju sve potrebne radnje koje je Prodavac dužan obaviti prema ovom Ugovoru, da bi Kupac mogao preuzeti vozila iz člana 1. ovog Ugovora, koja odgovaraju karakteristikama iz tehničke specifikacije navedene u Tenderskoj dokumentaciji Kupca i Ponudi Prodavca.
- (3) Ukoliko se pojave nepredviđene okolnosti i slučajevi koji onemogućavaju izvršenje nabavke u roku iz stava (1) ovog člana, Prodavac je dužan da pismenim putem obavijesti Kupca odmah, a najkasnije 48 (četrdesetosam) sati nakon pojave nepredviđenih okolnosti, kako bi Kupac cijeneći nastale okolnosti, mogao da razmatra eventualnu mogućnost produženja roka isporuke.

Član 5. (Način isporuke)

- (1) Isporuka vozila će se izvršiti između ovlaštenih predstavnika Prodavca i Kupca, koji će sačiniti i potpisati „Zapisnik o primopredaji vozila“ u kome će se konstatovati i navesti da isporučena vozila odgovaraju karakteristikama iz tehničke specifikacije navedene u Tenderskoj dokumentaciji Kupca i Ponudi Prodavca.
- (2) Prilikom isporuke vozila, Prodavac je dužan dostaviti Kupcu sljedeću dokumentaciju: detaljnu tehničku i korisničku dokumentaciju sa uputstvom za korištenje i održavanje vozila, otpremnicu i garantni list.
- (3) Ukoliko ovlašteni predstavnik/ci Kupca, prilikom pregleda vozila i provjere funkcionalnosti vozila utvrde da vozila nisu u skladu sa zahtjevom iz Tenderske dokumentacije Kupca i Ponudom Prodavca ili utvrde da vozila ne funkcionišu ispravno ili da su oštećena ili neispravna, odbit će prijem takvih vozila, te će zahtijevati od Prodavca da otkloni nedostatke, a ukoliko to nije moguće, da isporuči druga vozila bez nedostataka. Ukoliko Prodavac u ostavljenom roku ne isporuči druga vozila bez nedostataka, Kupac ima pravo da raskine ugovor i zahtijeva naknadu štete. Predstavnik/ci Kupca je/su dužni eventualne prigovore na isporučenim vozilima iznijeti odmah, a najkasnije u roku od 5 (pet) dana od dana isporuke vozila.
- (4) Do isporuke vozila Kupcu, odnosno do dana obostranog potpisivanja „Zapisnika o primopredaji vozila“ bez primjedbi, rizik slučajne propasti ili oštećenja vozila snosi Prodavac, a sa isporukom/predajom vozila rizik prelazi na Kupca. Rizik slučajne propasti ili oštećenja vozila ne prelazi na Kupca, ako je Kupac zbog utvrđenog nedostatka na isporučenim vozilima raskinuo ugovor ili tražio zamjenu vozila.

V. UGOVORNA KAZNA I VIŠA SILA

Član 6. (Ugovorna kazna)

- (1) Ukoliko Prodavac svojom krivicom ne isporuči vozila u roku utvrđenom u člana 4. ovog Ugovora, a ne radi se o višoj sili, Prodavac se obavezuje da Kupcu plati ugovornu kaznu u visini od 0,2 % od ukupne ugovorene vrijednosti vozila, za svaki dan kašnjenja, a najviše 5 % (pet posto) od ukupno ugovorene vrijednosti vozila.

(2) U slučaju kašnjenja u isporuci vozila od strane Prodavca, Kupac će prilikom ispunjenja obaveze, bez odlaganja, pismeno saopštiti Prodavcu da zadržava svoje pravo na ugovornu kaznu.

(3) Prodavac je dužan platiti ugovornu kaznu u roku od 7 (sedam) dana od dana prijema zahtjeva od strane Kupca.

(4) Prodavac neće platiti ugovornu kaznu ako dokaže da nije kriv za kašnjenje u isporuci vozila. Prodavac će platiti samo dio ugovorne kazne koji je srazmjeran njegovoj krivici, ako dokaže da je samo djelimično kriv za kašnjenje.

(5) Kupac neće moći naplatiti ugovornu kaznu ukoliko je do kašnjenja došlo usljed više sile.

(6) Ukoliko je zbog kašnjenja Prodavca u isporuci vozila, Kupac pretrpio štetu koja je veća od iznosa ugovorne kazne, Kupac može, umjesto ugovorne kazne od Prodavca zahtijevati naknadu štete, odnosno pored ugovorne kazne može da zahtijeva i razliku do punog iznosa pretrpljene štete.

Član 7. **(Viša sila)**

(1) Kupac i Prodavac se neće smatrati odgovornim za kašnjenje u ispunjavanju obaveza prema ovom Ugovoru ako je do kašnjenja došlo zbog više sile.

(2) Pod višom silom, u smislu prethodnog stava ovog člana, podrazumijevaju se događaji koji nisu postojali u vrijeme potpisivanja ovog Ugovora, mogu se pojaviti poslije stupanja na snagu ovog Ugovora, a koji su nastali mimo volje ugovornih strana, čije nastupanje i dejstvo nije mogla spriječiti ugovorna strana koja je pogođena višom silom (napr. rat i ratna dejstva, požar, eksplozije, prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajevne više sile).

(3) Ako slučaj više sile potpuno ili djelimično spriječi izvršenje obaveza po ovom Ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 2 (dva) dana od dana nastanka više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na istu.

(4) Za vrijeme trajanja više sile obaveze ugovornih strana po ovom Ugovoru miruju, s tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

(5) U slučaju da uslijed djelovanja više sile Prodavac nije u mogućnosti da ispuni obaveze iz ovog Ugovora, Kupac ima pravo na raskid ovog Ugovora o čemu će pismenim putem obavijestiti Prodavca u roku ne dužem od 3 (tri) dana nakon saznanja o nemogućnosti izvršenja ovog Ugovora.

VI. NAČIN PLAĆANJA

Član 8. **(Način plaćanja)**

(1) Ugovorne strane su saglasne da će Kupac izvršiti plaćanje preuzetih vozila iz člana 2. ovog Ugovora, u roku od 30 (trideset) dana od dana prijema potpisane i ovjerene fakture od strane Prodavca.

(2) Prodavac je dužan da uz fakturu dostavi otpremnicu i potpisan „Zapisnik o prijemu robe“ i Garanciju za uredno izvršenje ugovora.

(3) Prodavac dostavlja fakturu sa propratnom dokumentacijom na Pisarnicu Kupca, Obala Kulina bana 7/II, 71 000 Sarajevo.

(4) Kupac će izvršiti plaćanje na transakcijski račun Prodavca.

VII. OBAVEZE KUPCA

Član 9. (Obaveze Kupca)

(1) Kupac se obavezuje da:

- Prodavcu odredi termin za isporuku predmetnih vozila;
- izvrši pregled i preuzimanje isporučenih vozila, ako nema primjedbi;
- da plati primljenu fakturu Prodavca, u skladu sa članom 8. stav (1) ovog Ugovora.

(2) Forma garancije za uredno izvršenje ugovora je sastavni dio ovog Ugovora.

VIII. OBAVEZE PRODAVCA

Član 10. (Obaveze Prodavca)

Prodavac se obavezuje da:

- isporuči vozila prema zahtjevima iz Tenderske dokumentacije Kupca i Ponude Prodavca;
- izvrši sve radnje neophodne da vozila budu spremna za prijem kao što su: obavljanje svih neophodnih administrativnih i komercijalnih formalnosti, provjera funkcionalnosti vozila;
- snosi sve rizike do konačnog prijema vozila od strane Kupca;
- izvrši isporuku vozila na mjestu i u roku utvrđenom ovim Ugovorom;
- kvalitetno i uredno izvrši ovaj Ugovor u skladu sa nalogima Kupca, važećim propisima, pravilima i standardima struke za ovu vrstu posla, štiti prava i interese Kupca, te ga obavještava o toku realizacije Ugovora;
- riješi eventualne reklamacije Kupca potpisane od strane ovlaštenog predstavnika Kupca,
- ispostavi fakturu za isporučena vozila i Garanciju za uredno izvršenje ugovora.

IX. GARANCIJA

Član 11. (Garancija)

(1) Prodavac garantuje da će isporučiti vozila koja su u ispravnom funkcionalnom stanju, tvornički nova, neupotrebljavana i originalna, te da u cijelosti posjeduju tehničke karakteristike, opremu i dodatnu opremu, koja je zahtjevana u Tenderskoj dokumentaciji Kupca i ponuđena u prihvaćenoj Ponudi Prodavca. Prodavac je odgovoran je za sve eventualne nedostatke i defekte na isporučenim vozilima.

(2) Prodavac se obavezuje da za isporučena vozila iz člana 1. ovog Ugovora, da Kupcu garanciju u trajanju od 4 (četiri) godine ili 120.000 pređenih kilometara na motor i 12 (dvanaest) godina na prohrđavanje karoserije bez obzira na pređeni broj kilometara, uz redovno održavanje od strane ovlaštenih servisa i pridržavanje uputa o korištenju i stručnom rukovanju vozilima.

(3) Prodavac se obavezuje da će Kupcu prilikom isporuke vozila dostaviti garantni list za vozila, plan servisiranja (redovni i vanredni) i održavanja vozila (obezbjeđenje originalnih rezervnih dijelova) u ovlaštenim servisima u toku trajanja garantnog roka.

(4) Garantni period počinje teći od datuma obostranog potpisivanja „Zapisnika o primopredaji vozila“, bez primjedbi.

(5) Garancija proizvođača na servisnu podršku i podršku rezervnim dijelovima je 10 (deset) godina, računajući od prestanka proizvodnje modela.

Član 12.
(Obaveze Prodavca u garantnom roku)

- (1) Prodavac se obavezuje da u garantnom roku, u slučaju neispravnog funkcionisanja vozila ili kvara na isporučenom vozilu, izvrši zamjenu vozila ili odmah započne sa popravkom, odnosno otklanjanjem kvara ili nedostatka na vozilu, a najkasnije u roku od 5 (pet) dana od dana zaprimljene reklamacije od strane Kupca.
- (2) U slučaju ako je zbog neispravnog funkcionisanja Prodavac izvršio zamjenu vozila ili njegov bitni popravak, garantni rok počinje teći ponovo od zamjene, odnosno vraćanja popravljenog vozila. Ako je zamijenjen ili bitno popravljen samo neki dio vozila, garantni rok počinje teći ponovo samo za taj dio.
- (3) Prodavac se obavezuje da preuzme neispravno, a vrati popravljeno vozilo u mjestu isporuke vozila.
- (4) Prodavac se obavezuje da u garantnom roku obezbijedi servisiranje vozila kroz ovlaštene servise proizvođača.
- (5) U garantnom roku zamjena vozila, otklanjanje kvarova i nedostataka na isporučenom vozilu padaju na teret Prodavca.
- (6) Ukoliko Prodavac ne bude u mogućnosti da započne otklanjanje kvara ili nedostatka na vozilu u roku iz stava (1) ovog člana, Kupac ima pravo da ovaj posao povjeri trećem licu, o trošku Prodavca.
- (7) Na popravljene i zamjenjene dijelove vozila, garantni rok počinje teći od dana izvršene popravke ili zamjene.
- (8) Garantni rok se produžava za period koliko je trajalo otklanjanje kvara ili nedostatka na vozilu.

X. ODGOVORNOST ZA MATERIJALNE I PRAVNE NEDOSTATKE


Član 13.
(Odgovornost za materijalne i pravne nedostatke)

- (1) Prodavac odgovara za materijalne nedostatke na vozilima iz člana 1. ovog Ugovora u času prelaza rizika na Kupca, bez obzira da li je to Kupcu bilo poznato. Prodavac odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga. Neznatan materijalni nedostatak ne uzima se u obzir. Prodavac i Kupac zajednički/komisijiski utvrđuju šta se podrazumijeva pod neznatnim materijalnim nedostatkom. U obavještenju o nedostatku na vozilima iz člana 1. ovog Ugovora, Kupac je dužan bliže opisati nedostatak i pozvati Prodavca da pregleda vozilo.
- (2) Nedostatak postoji ako isporučena vozila nemaju tehničke karakteristike utvrđene Tenderskom dokumentacijom Kupca i Ponudom Prodavca. Prodavac odgovara i za nedostatke koje je Kupac mogao opaziti, iako je izjavio da vozila nemaju nikakve nedostatke ili da imaju utvrđene tehničke karakteristike.
- (3) Prodavac odgovara ako na isporučenim vozilima iz člana 1. ovog Ugovora postoji neko pravo trećeg, koje isključuje, umanjuje ili ograničava pravo Kupca, o čijem postojanju Kupac nije bio obaviješten, niti je pristao da preuzme vozila opterećena tim pravom.
- (4) Ukoliko se pokaže da treća osoba polaže neko pravo na vozilima iz člana 1. ovog Ugovora, Kupac je dužan obavijestiti Prodavca o istom, izuzev kad je to Prodavcu već poznato i pozvati ga da u razumnom roku oslobodi vozila od prava ili pretenzije trećeg ili da mu isporuči druga vozila bez pravnog nedostatka. Ako Prodavac ne postupi po zahtjevu Kupca, Kupac ima pravo raskida ugovora.

XI. RASKID UGOVORA

Član 14.
(Raskid ugovora)

- (1) Kupac ima pravo jednostrano raskinuti ovaj Ugovor i pravo na naknadu eventualne štete u slijedećim slučajevima:



- ukoliko Prodavac kasni sa isporukom vozila iz neopravdanih razloga,
- ukoliko isporučena vozila ne odgovaraju tehničkim karakteristikama navedenim u Tenderskoj dokumentaciji Kupca i Ponudi Prodavca,
- (2) Ugovor može biti jednostrano raskinut dostavom pismene obavijesti drugoj Ugovornoj strani 15 (petnaest) dana prije raskida.
- (3) Obavijest mora sadržavati razlog raskida ugovora.

XII. ZAVRŠNE ODREDBE

Član 15. (Zabrana zapošljavanja)

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 16. (Primjena Zakona o obligacionim odnosima)

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi sa izvršenjem ovog Ugovora.

Član 17. (Rješavanje sporova)

Ugovorne strane su saglasne da sve eventualne sporove, koji bi mogli nastati iz ovog Ugovora, rješavaju sporazumno, a u slučaju da do sporazuma ne dođe, ugovora se nadležnost stvarno nadležnog suda u Sarajevu.


Član 18. (Stupanje na snagu)

- (1) Ovaj Ugovor stupa na snagu kada ga potpišu i ovjere ovlaštene predstavnici Ugovornih strana.
- (2) Datum kasnijeg potpisivanja ovog Ugovora, smatra se datumom stupanja na snagu ovog Ugovora.
- (3) Svi rokovi u vezi s ovim Ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

Član 19. (Broj primjeraka ugovora)

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana.


ZA KUPCA
Rektor
Prof. dr. Rifat Škrijelj



Broj: 0101-2475-9/17
Sarajevo, 22. 06. 2017.

ZA PRODAVCA
Direktor

Alex Andor Vaszi



Broj: U-264/17
Datum, 23. 06. 2017.